



# Hmasawna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-233239  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600

Hmasawna Thar Vol - 32/201

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## State Malaria team in an hung enfel



**CCPUR:** Thokanga inthawka natna intan Dengue natna invawi CCPur-ah mi pakhat hmuok a nih tia report um le inzawmin May 9, 2017 khan Imphal-a inthawka State Malaria Team chu CCPur-ah hungin thil umdan an enfel.

nihni hnunga inthawka ni 10 inkar, a sawttakah ni 12 sungin Dengue natna hi a hung inlang hlak a, a hun taka enkawl chun damfel vat thei a nih tiin a hril.

State Malaria team hin Dengue invawi nia hril Nehru Marg-a um Khamkhokam chengna in le a sevel hai enfelna an nei bakah Dengue natna pai thokang an um le umnaw an enfel a, tui laia um thokang tui um hai enfel ding an lak.

Dengue pai thokang test-na Manipur-ah machine a umnaw lein State Malaria team chun dengue natna hrik pai thokang umna hmuna thokang tui hai lain Dibrugarh hmuna test thaw ding an thawn hlak a, ni 14 hnungah result hriet theia a um chau hlak thu, Dengue invawi hai umdan chu khawsik insang, taksa pumpui kham le na, vun invuol le inthak, lu na hai dam an ni a, khawsik nazawng dengue a ni naw lein mipui hai nuoma lo titthawng el ding a ninaw thu a hril bawk.

State team hung hai hi Dr Sashi Kumar Mangang, Director, State Epidemiologist, Manipur in a hung inrawi a, team-a hung midang hai chu Dr. Gojendro, State Malaria Officer le Dr. Brati, State Epidemiology Officer hai an ni a, Dr, Kim Simte, CMO, Churachandpur le Dr. Ngaineikim Hakokip, District Surveillance Officer han an lo thlawp.

Dengue natna pai thokang laka him theina dingin mitinin tui sekhawna kawnga fimkhur a tul thu, thokang intui nawna dinga hun sawttak sekhaw lo a, an khattawka tui sekhaw hai thlang zing chu Dengue natna laka himna dinga pawimaw a nih tiin a hril.

Dr Sashi chun, Dengue natna hi thokang chikhat Ades Mosquito in an pai a ni a, tui fainaa um hlak an ni thu hrilin tui balah an um ngainaw thu, Tui fai hmgang dinga sawt tak siena hmuna hiengang thokang hai hi intuiin, chu taka inthawka an hung inte hlak a ni thu, hi natna hi kum upa tieng le natna dang dang leia taksa hratlo han an invawi awl-sam bik a nih tiin a hril.

Mizoram chun nikum January a inthawka tuchen hin Dengue invawi mi 500 hmuok an nitah.

A hril peinaah, tukum ruo hung sur hmasaa inthawka hiengang thokang hi hung um tan nawk a ni thu, hmun inthimna le var taluo na hmuna an um theinaw a, hmun dei le insungah an um nuom. Hiengang thokang in mi an se nikhat-

Chamkhokam (76) hi kar hmasaa kha Dengue invawi a nih ti hrietsuok a ni a, tuhin chu a damfel ta niin a sungan an hril a, sienkhawm kum upa tieng a ni lein Hospital-a la um a ni thu an hril.

## CHANCHIN LAKTAWI

### Annual Membership fee sukpong

**CCPUR:** Churachandpur District Education Employees' Union (CDEEU) chun Annual Membership fee an sukpong a, Rs. 500 a ni ta ding a nih tiin Finance Secretary, CDEEU chun a hril. Kum 2016-17 Annual membership fee Rs. 500 chu March, 2017 thla hlawa inthawka lak ni ding an hril.

### Motor chabi hmu

**CCPUR:** Motor chabi hmu a ni a, hiengang motor chabi sukhmag hai chun Mr Lalrammawi Thiek, Hmarveng, CCPur kuomah ngaven le lak thei ning a tih.

### Outreach program

**CCPUR:** Baptist Youth Fellowship (BYF), Lamka North Division, EBC chun May 20-21 inkar sung khin Division BYF Outreach Programme 2017 nei an tum.

## Parbung area NFSA bufai sem ding

**CCPUR:** May 13.15 le 16, 2017 hai khin Parbung area NFSA bufai March, 2017 quota chu Rationing Agents 11 fe thlengin sem ning a tih. Bufai hi May 12, 2017 zing dar 8 khin Churachandpur a inthawka Parbung panpui ning a tih. Bufai phura um hi civil supply Inspectors 6, Nongmaithem Nicky, Ng.Washington Singh, G.Sadananda Singh,

Th.Chitaranjan Singh, Lalhriatrenga le Depankar Sharma han zui an ta, bufai hi DC, Pherzawl enkaina hnuoia sem ning a tih. Bufai phur dan ding chu Parbung Area sunga FPS Centre haia Rationing Agent-hai mawphurna ning a tih tiin zanikhan M.Ginzasuan, District Supply Officer, Pherzawl District chun inhrietirna a siem.

## Hrila, EM, ADCC office hawng



**CCPUR:** May 9, 2017, 11AM khan ADC, CCPur-a BJP in sawrkar thar an siem hnunga Executive Member (EM), ADCC dinga ruot thar Pu Lalhrillien

mingthang, P.S, Saikawt Presbytery, EFCl in a nei a, Pu Hrila Office chu mi harsa le beidawng thangpui ngaihai thanguina office le ram ta dinga hmasawna tam tak hung ra suokna ni ding an hlan.

Hi huna hin BJP Rengkai Unit han EM thar hi lawmpuinain Thangsuopun insiltirna an nei bakah mimal le pawl iemanizat khawmin lawmpuinain Thangsuopun insiltirna an nei bawk.

## Inrem taka um tlangin hmasawna um thei a tih: Nagaland CM "Manipur-in hun thar a hmu angin Meitei han upa lem nina an nei a pawimaw"



**IMPHAL:** "Hnam hran hran le jawng hran hranhai inrem taka ei um tlang thei pha pha leh ei state pahni Nagaland le Manipur ah hmasawna tak tak le muongna um thei a tih" tiin Nagaland Chief Minister Mr Shurhozelie Liezietsu chun a hril.

Hi thu hi Thawlenni-a Hotel Grande, Imphal-a Manipur Chief Minister Mr N. Biren Singh inhmpui dinga hunga an inbielka huna a hril a nih. Dr Shurhozelie chun, state pahnia hnam hran hranhai hin inrem taka um tlanga, inmatna zung ei lo nei tahai sukthar nawka pansak pantlaga tha taka umdan ei in-chuk a pawimaw thu a hril.

Nagaland CM chun, Manipur chun sawrkar thar ah beiseina thar a hmu a. Meiteihai chu hnam upa lem an nih angin iengkimah upa lem ngirhmunah ngirin hnam hran hran hai inrem tak le inruoltha taka an um tlang theina dinga hma a lak a pawimaw thu hrilin. A tam lem le thiem lem, mithiem mivar tamtak nei an nih lein inrem taka hmasawna a um theina dinga hma hung la ding an ditsak a nih.

"Ei rama hmasawna a um theina ding chun inremna le muongna a pawimaw a nih ti hi ei hriet tlat ding a nih" tiin, hi kawnga hin media (Journalist) han role pawimawtak an nei a. Khawvel hrieta sawrkar le mipuihai hmeltathatna pholang dingin mawphurna a nei a nih tiin a hril.

"Pi le puhai a inthawka um tlang tah, ruoltha

ei nih a. Tulai hnai, kha hma deuva inthawka khan thuoitu thenkhat mani hmasiel han mani hlakna ding le ropuina ding chauh ngaituoa thil an lo thaw lein hnam hran hran karah inhrietthiemnawna neu neu a um lein pawl ka tih hle a. Sawrkar thar a hung um tah hin chu iengkim thar vawng sien ka nuom a nih" tiin tuta inthawka chun inrem taka um tlang seng a nuom thu a hril bawk.

Nagaland CM hi press conference a nei hmoin Manipur CM Mr N. Biren-

Darkar tlawmte cham dinga helicopter-a a hung chu Manipur CM le a rawi han Kangla Helipad ah an lo hmuok a. Manipur CM hi Education Minister Mr Th Radhesyam, PHE Minister Mr Loshii Dikho, Parliamentary Secretary (PWD) Mr Awangbow Newmai, PS (Home) L. Sushindro, PS (Planning) Mr Khasim Vasum, PS (PHE) Mr K. Leishiyo han an tawiam a. Hotel Grande ah bu an fak zovin Kohima tieng an kir nawk ngahl.

blockade a um vetna thua a hma lak tum dan an in-dawna dawnin, hun liemta haiah Economic Blockade a hlur em ema chu hun liemta mi an nih lein hun liem tah thil an nih tah ding a nih, tia hrilin, tlangram le phairama Meitei, Nagas, Kukis, etc. han inrem taka um tlang diel diel chauvin hmasawna ei nei thei ding a nih tiin a hril a. Manipur sawrkar tharin ni 40 sung chauva a hmalak danhai in-pakum a tih lein hmating peia khawm tlangram le phairam inkuongruol taka kal chawi peia hma an sawn theina dingin boruok tha le zangkhai siempui a nuom niin a hril bawk.

Nagaland-a BJP le NPF an thanguolna chun Manipur kakhawka tha tak a siem thu le, Manipur-a NPF MLA palihai chun Manipur sawrkar an thlawp pei ding thu hrilin, "Manipur Chief Minister-in hmuna a hung hlur khan hnena changin kan ngai a nih" tiin Dr Leizeitsu chun a hril a. Inbie zawm nawk pein, ei inthlungzawna lungphum sukngeth deu deu a pawimaw zie thu a hril bawk.

Reporter han economic

## Hepatitis C Awareness & Screening Camp



**CCPUR:** Community Organization for Network and Empowerment (CoNE) huoihawmin May 9, 2017, 10:00AM khan LRRC Drop-in-Centre, New Bazar-ah One Day Hepatitis C Awareness & Screening Camp for Injecting Drugs User (IDU) and People Living with HIV (PLHIV) nei a nih.

**IMPHAL:** Education minister Mr Th Radhesyam chun, naupang chu an thaw thei lo ding thil inthawtir tum nek an thei ding tawk le an theina chenah mihriem tha lem an ni theina dinga thaw dinga infuia sukphur le sukhuoisen an pawimaw a nih tiin a hril.

Hi huna hin Jimmy Arangbam, Community Mobilizer, CoNE le Sasang, District Supervisor, CoNE han Hepatitis inkaisawng theina hai le Hepatitis laka inveng dan ding hai hril-hrietna an nei. Screening hunah Lalan, Laboratory Technician, Babina Diagnostic Centre chun IDU le PLHIV mi 40 hai thisen enfelna a nei. Zanita screening nei huan positive hmu hai BABINA Diagnostic Centre, Imphal-a enthak nawk ning a ta, confirm case hai CoNE in enkawl na (treatment) a sum seng a tum pek ding a nih. CoNE in a enkawl lo du ding khawpa an tam chun MSF leh thanguolin enkawl an tih.

"Nu le pa han sikula naupang ei admit hin ei mawphurna a tawp el an naw a. Insung le society-a mi tha an hung ni theina dinga an insiem tanna dinga a bul tanna a ni chau a, khawltang ta dinga mi tangkai an ni theina dinga an insiem tanna chau a nih, tiin Kendriya Vidyalaya No.1, Lamphelpat, Imphal, Annual Day Function ah khuol lien a nina le inzaw-

## Sawrkar le JAC in MoU an ziek ta ding

**CCPUR:** Manipur Assembly in Anti-Tribal Bills 3 a passed leia dodalna fe mek ni 617 a thlang hungin May 10, 2017, 3:30PM hin Joint Action Committee Against Anti-Tribal Bills (JACAATB) chun State sawrkar han Mizo People Convention Office, Hmuia Veng, CCPur-ah final round of talks nei an tih. Hi huna hin JAC le Manipur sawrkar palai han Ministry of Home Affairs, Govt. of India hrietuinain Memorandum of Understanding (MoU) anziek ta ding niin zanita JACAATB thusuok chun a hril.

## Dawr-a thil inru tum man



**CCPUR:** May 9, 2017, 8:00AM khan P/S Mobile Centre, New Bazar, Tid-dim Road-a Mobile head-phone inchaw a, a suok malama Dawr neitu hmgang lai Gionee M5 Live inruk a tum lein Ayub Ali (22), s/o Ayajuddin of Kwakta Ward No.8 chu man a nih. Ayub Ali hi mipuiin ieman-

## Mi thalem an ni theina dinga naupang infui dingin



an inthanglienna dingin a pawimaw em em a. School Annual Function hai hi hun pawimawtak, naupanghai laia nationalism le mani min a hril.

Minister chun, mi tinin taksa le lungril hrisel a nei a pawimaw a. Taksa thatna dinga hun ei hmgang ang angin lungril thatna dingin ei hmgang ding a nih, tiin a hril a. Student han an thiem thil chi hran hran Yoga, Asana, cultural program, etc. an suklanghai chu in-pakin, hieng ang extra-curricular activities hai hi naupang taksa le lungrila

ram le hnam hmangina thu tuna hun tha khawm a nizie thu a hril bawk.

Mr. Karam Shyam, minister, Consumer Affairs, Food & PDS chun, thalaihai ta dinga hmakhuo thatak siempkna ding chun, sin an nei theina dinga education khawlbung a tul a, sin thaw ding nei loa tamtak an um nawna dingin sin tam lem an hmu theina dinga incukirna a pawimaw a nih, tiin a hril.

## JAC Langlailu-in CM kuomah Memorandum an pek

**IMPHAL:** Ms R. Lunglailu that a nina le inzawma JAC chun CM Mr N. Biren Singh kuomah point-5 umna Memorandum pein, ni 5 sung, May 14 hma ngeia sukpuiting an ni naw chun nuorna nasa lem an huoihawt ding thu an hril a. Mithi ruong RIMS ah um zing khawm inremna siem a nih ma chu an lak dawng naw ding thu an hril bawk.

An Memorandum chun, tuolthattua intum, a thinu Lunglailu pasal Mr Khurajam Inaocha hin hotu ni zingin tribal nuhmei student hai chungah sex thil a beisei hlak a, mi dang khawm a lo sawisak tah hlak bakah a unaupa nuhmei Ashalata leh khawm inlaichinna thalo nei a ni thu an hril.

A nu Memchoubi le a monu Ashalata hai khawm

tuolthattua hin inhamhnuoia nei le nawmna tak taka lo sawisak hlaktu niin an hril bawk. Hi thu le inzawm hin ringhla mi pathumhai hi manin a thi nu Lunglailu pa R. Kakkhalan kuomah zang-na dawmna (ex-gratia) May 14 hma ngeia pei ding an phut a. Chuong an naw chun mithi ruong an lak naw ding thu an hril bawk.

Hi bakha hin intuma um-hai sung hi, buoinia dang a suok ta nawkna dingin Chingmeirong Rongmei khuo lut khap ding an ngan a. An hnam dana thupha chawina le ngaidam inhnina, Longh Garak, Siel an-lawleh vawk thata thil suol thawthawai hremna dan thaw phalpalk ding an ngan a. Mithi nu Langlailu a ruong zalna hmun ngeia raw phal pek ding an ngan bawk.

## Manipur CM in Shirui Festival website a hawng

**IMPHAL:** Manipur CM N. Biren Singh chun zani zan khan CM's Secretariat, Cabinet Hall-ah Shirui Festival, 2017 official website: www.shiruiFestival.gov.in. a hawng. Shirui par promote-na ding le Manipur state sunga hnam tum tum hai kara inuana thalem a um theina ding ditna leia state sawrkarin State level Shirui Festival huoihawt a tum a ni thu Manipur CM N. Biren Singh chun website tlangzarna huna a hril a. Shirui Festival huoihawtnaa ding hin Rs. 1.5 crore seng dinga riruung a ni thu, ni 5 sung aw ding Shirui Festival a hin ram-dang dang inthawka palai hai bakah NE state dang Sikkim le Nagaland haia inthawka khawmin Cultural Troupes an hung ding thu, Shirui hi Manipur-ah chau um a ni lein sawrkar chun



Shirui Hill chu National park a puong a ni theina ding hma a lak ding thu hai a hril.

Chun, kum thara inthawka National level-a Shirui Festival huoihawt a ni theina dinga hma lak a ni ding thu, state sawrkarin kum thara inthawka Imphal hmuna Sangai Festival hmgang hlak chu a Sangai umna hmuna tak Keibul Lamjao hmuna sawn ding an ngaituo mek a nih tiin N. Biren Singh chun a hril bawk.

Loktak Festival khawm kum thara inthawka sawrkarin State level-a huoihawt a tum ta thu,

sawrkarin zingah (May 10, 2017) hin MoU an ziek el thei niin a hril a, MoU ziek ding hin Manipur sawrkar chu Chief Secretary O. Nabakishore inrawinain Churachandpur-ah an fe ding thu, MoU zieknaa hin Central Govt. hnuoia Under Secretary (Home) khawm Central Observer in a thang ding thu a hril.

CM's Secretariat-a zanita Combined Headquarters meeting chungthua in-dawna dawnin National Highways haia thil ditumlo tlung hlak sukrena dingin Security agencies dang dang Officers hai thangna 24-hour quick response Cell indin dan ding thu le SoO hnuoia um UG organisation hai biometric attendance recording chungthu le surrender policy thar chungthu hai hrililang a ni thu CM chun a hril.

VAWISUN THUPUI

Chun a thupkhai ei zawm chun, chutaka chun ama chu ei hriet ti ei inhriet. A thupkhai pawm si lovin, "Ama ka hriet," titu chu, mi khelhlip a nih, thutak amaah a um nawh. Tukhawm a thu pawm taphawt chu amaa chun Pathien a hamngaina a famkim takzet ta a nih.

- 1 Johan 2:3-5

Editorial

PDS thil Black-a zawr

Directorate of Consumer Affairs, Food and Public Distribution (CAF & PD) Department of Employees Union (CAF & PD) chun May 8, 2017 khan Directorate of CAF & PD office, Sangaiprou-ah Karam Shyam in CAF & PD Minister a hung chel na lawmpuina inkhawm an buotsai a. Hi huna hin CAF & PD Minister Karam Shyam chun, Public Distribution System (PDS) bufai hrim hrim dawr le Bazar haiah zawr phal ni naw nih. Subsided PDS Bufai dawr le bazaara haia zawr an um chun man le na taka action an chung lak ning a ti hin a hrii a. A thu hrii hi thu tha takel le thu lawmum a nih. Amiruokchu, CAF & PD Minister thu hrii hi a takin a hung sukpuitling ngam ding am ti hi ngaituo chet chet a tul khawp el. A thu hrii hi a taka a hung sukpuitling thei a ni chun mipui ta ding chun thil lawmum takel hung ning a ti hi.

CAF & PD hi tuta hma khan Food and Civil Supplies Department tia ko hlak a ni a. Food and Civil Supplies (FCS) Department a thawktu thenkhat chu an hausa thei hle ti chu tlang hriet a nih. CAF & PD hnuoia thawktu thenkhat chu mihai biekh that tul, mihai chung en le hausa tak tak an la nizing tho. Hieng a ni lei hin PDS thil enkaitu le mauphuthuai hi an thil thaw dan suizui a, indiklo taka thil thaw hlak an lo um a ni chun Sawrkan in a hrem ngam le action a lak ngam tak tak hi thil thil makmaw a nih.

Hieng lai zing hin PDS bufai, LPG, Khawnavartui, Petrol le Diesel hai chu black a inchawk ding a la umzing. PDS bufai lem hi chu dawr tinah inchawk theiin a um. Thunun (control) a hung nita leinin ni dang nekin a man khawm a to ta hle. Ni danga Kg. 1 ah Rs. 20-22 a inchawk theia um kha tu hin chu Kg. 1 ah Rs. 28-29 a inchawk a hung tul ta a nih. Bufai sama um hin mipui mamaw a phuruk zo naw leinin mipui ta dingin harsatna nasa tak an tluu a nih. Hi lei hin PDS bufai control lova a um hun kha ngai a um lem tiin PDS bufai fatu hai chun an hrii.

LPG, Petrol, Diesel le Khawnavartui hai khawm black a zawr zing a la nih. Amiruokchu, SP, Ccpur le a rawihai hmaklakna leinin Churachandpur town sunga chun open taka zawr chu hmu ding a um meu ta nawh. Open taka zawr ninaw sienkhawm a ruka ralin hieng thil hai hi black-a zawr vawng a la nih. Hienganga dan kala thil thaw le thil zawr a hluma san chu, mipui tiengpangin dan bawsea thil thaw le thil zawrhai hi ei pavmzam mei mei lei a nih. Black a PDS thil zawrhai hrim hrim hi thuneituhai kuomah report ngal pei inla chu black-a PDS thil zawr ngam hi an um ring a um nawh. Hi lei hin black-a PDS thil zawr um hi tawp hmak sienla ei nuom takzet chun ei in report ngam a tul a nih.

LPG a man to deua zawr a nina san hi, LPG Agent-hai thil thaw indiklo a ni thei le inruolin, a mamawtu han an mamawna an sang em leinin, thuneituhai kuomah report nek chun inchawk ding a um na na na chun ei inchawk nuom lem el hlak. Nghei el nek chun sum seng lo tam deu sienkhawm dan bawsetuhai lo inthuruolpui el a tulna chin a um a, tlaksam-nain dan bawsetna an tluu a ni deu tak.

Hieng hi ei ngirhmun a ni leiin PDS thil hi Sawrkanin ei mamaw tawp sem ding annawleh pek ding a neizing hi a tul a nih. PDS thil hi ei mamaw tawp a um hmakhat chu black a zawr hi a bo el theinaw ding nin an lang. Hnienghnar hle inla chu black a inchawk hi tukhawma nuom naw nihai. Ei ramah hin ei mamaw tawp PDS thil a tungzo naw leia black-a zawr hi a fe em el a nih. Hienganga a ni lei hin Sawrkanin black-a PDS thil zawr subko a nuom tak tak a ni chun a ram mipuihai mamaw tawp hi sekkhawlsa, mipui kuoma zawr el thei dinga a sie hnerhnur a tul a nih.

Table with 2 columns: Hours, Studio/Programme. ALL INDIA RADIO: CHURACHANDPUR PROGRAMME. Date: May 10, 2017 (Nilaini). TRANSMISSION- FM-101.4 Megahertz.

Editorial Board Lalmalsawm Sellate: Editor & Publisher Roding L. Sellate: Jt. Editor Lalsansuok Palumate & Samuel Zothanglien@SZ Zote:Sports Joseph Joute: Freelance Jalruotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

KIM JONG-UN HI TUM ANA?



Kim Jong-Un

Hi dungzui hin, Korea ram leilung chu 38th Parallel longitude DMZ (Demilitarized Zone) a rintanin ram pahni, North Korea le South Korea a siem ani a. Korea Sim le Hmar a tu tieng khawm a hrat lem ti umloa indona hi suktawp a nih. An ram rintanna, 38th Parallel tia inbuk hi, DMZ (Demilitarized Zone) tia ko le hrietlar a nih. Kum 2002 khan ruoltha fielna le remruotna in South Korea rama kar hni zet ka hang inzin a. Seoul, Kunshan, Yellow Sea (Tuipui eng) le hmun hnan hnan bakah, DMZ hi a hmun ngeiah ka hang hmu ve. DMZ hmun hi Seoul khawpui a inthawk khawma sawt fu Car-a tlan a ngai. DMZ a hin Tower insang tak South Korea Sipaihai ralthuom famkim chawiin indo ngal thei dingin an in ring zing. DMZ a uma, a man uma en thei dingin, enhlana lientak a inthawkin North Korea Sipaihai Camp le an khawsak danhai en thei a ni leinin en ve nge nge. Mike, kar inhnai ti a hai an khai fer fura, ralkanga inthawk indo dinga an inring zing thu insai phawma le in chona a an hmang a nih an tih! Kum 1953 a an thutlung siem hi indo suktawpna chau ani a. 'inremna thutlung' ani naw lei hin indo ngal thei zing dinga in ring ve in an um zing a nih.

North Korea hi Communist thuhnuoia um an na, China sawrkan hi an kaiza vengtu lientak a nih. South Korea hi Democracy hnuoia inrel an na, USA meitemem pawimawtak an nih. An ram ngirhmun an thlaw hle. North Korea hi a ram a lien lem a, indo hmaa an ram khawpui tak, Pyongyang khawm an chang lem baw. Sienkhawm, an ram sawrkan dan hi a khaun leinin an hnufuol hle. Kum 1953 indona a tawp kan North Korea hi an Communist hotu lien Kim-il Sung in thuneina a changa. North Korea chu a awpbet a. A thi hnung hin a naupa Kim Jong-il in lalna a hung hluo sawng nawka. Kum 2011 khan Kim Jong -il a thi hin a nau pasal Kim Jong-Un hi a hung in lal nawk pei a nih. Hi Kim Jong-Un, hi a nih tulai a lulul insuo a inhrosat a thaw leinin, a chanchin hriet thei umsung tlawmte suklang ei tum a nih. North Korea ramah hin an pu-reng in rorelna lal thungpha an in hluo sawk zar zar a nih.

North Korea hi Communist ram ani leinin, mipui in zallena le hadamna an nei nawh. Kim Jong- il kum 2011 a a thi khan, tu am ama ai hin hung in lal a ta, ti a hrie an um nawh. Kim Jong -il hin nuhmei pathum a nei a hriet ani a. Nau pasal pathum a nei a, tutak am hung in lal a ta, ti a ram mihai khawm an buoi hle. Kim Jong-Un hi kum 1983 annaw leh, 1984 kum bul tienga pieng ni dinga ring a nih. Kim Jon -Un a nu, Ko Young-Hee hi Kim Jong-il nuhmei pathumna le a nuhmeihai laia a dittak a na, ama thlaktu ding hin Kim Jong- Un hin chance a nei tha hrim a nih. Thenkhat hrii dan chun, Ko Young-Hee hin a naupa Kim Jong-Un hi ' Morning Star King' ( Lal Zing Arasi) tin a lo ko lawk hlak hrim ani an ti chuh!

Kim Jong-Un naupang lai chanchin hi hriet ding a tam naw hle. A pa, Kim Jong- il hin Switzerland khawpui, Berne a lekha inchuk dingin a tir a. A naupa hmung hi, Un Pak ti hmung tehlem pek ana, Switzerland a North Korea Ambassador chu a pa dinga siem ani baw. Kum 15 ani chen khan, International School of Berne, Switzerland ah lekha an chuka hriet a nih. Hostel a umlo in apartment inhawi tak, Switzerland a Inhluo man tona lai a hluo baw. Vengtu a nei a, Car le driver a nei bakah, tutor hnan le cook a nei baw. A du du a hrii hai hi a cook hin a suong pek hlak. Thenkhat mit ngei a hmutuhai an zirtiru pakhat chun hieng hin a hrii "Zantieng school tin zet hin Mercedes Car dum le a vengtu an hung hlaka, Un Pak hi a Car dum hin a thuoil hlak". Rambung pakhata Ambassador nau ni dingin a ringaw tu a hnungin a hrii. Un Pak, a student chanpuihai chu Switzerland a ramdang mi Diplomat nauhai anni tlanguip. Sap tawng a tirin a thiem naw a, tutor hmanga inchuk a ni leinin a tawpa chu ngaidam thein a um ani awm. German tawng

Kangmei suokin unau 3 a kanghlum

GUWAHATI: May 8, 2017, 12:30AM khan Assam-a Fatasil Ambari Police station huopsunga Nantubasti area-ah kangmei a suok a, kumtlinglo vawng unau nuhmei 3 a kanghlum. Kangmei suokna hi Mr Aziz Ahmed chengna in a ni a, electric fesuoil leia

SC in Justice Karnan thla 6 sung jail intang dingin a rel

KOLKATA/NEW DELHI: Supreme Court chun Calcutta High Court Judge Justice CS Karnan chu Court inzalo tiin thla 6 sung jail intang dingin a rel. Judges 7 umna Chief Justice JS Khehar inrawi chun hi thupkei hi an rang thei anga bawzui ngal a ni ding tu a hrii.

SC Bench chun Justice Karnan nin zani hmasa zana Chief Justice le Supreme Court Judge dang 7 hai chungu kum 5 sung rimsi taka jail intang dinga order an suona na khawm Media- a insuo Supreme Court chun a khap ngal baw. Calcutta High Court Judge Justice Chinnaswamy Swaminathan Karnan chun Chief Justice of India (CJI) Jagdish Singh

Rev. Dr. J. L. Songate, Sielmat

Tulai TV channel hran hran le Chanchinbuhai ei tiem chun, Kim Jong-Un, North Korea hai Supreme Commander inhrosat thu le indo dinga South Korea, Japan le USA hai a huphur naw zie thu a hrii hi ei hriet ngun khawp el. Korea indona hi UN hmalakna in North Korea, China le USA haiin July 27, 1953 khan 'Armistice Agreement'(Indo suktawpna Thutlung) an zieka.

lem chu a lel tawp. Sierkawp (Mathematics) ruok chu a ruolhai in a thiem nasa em em an tih. Lekha nekin, Jackie Chan film en inhawi a ti lem a. Basket ball inkhel an hnik baw. Chicago Bulls original shirts, Jeans to chi le Nike pheikhaw a man to chi ngawt hi a nei hlak. NBA Basketball original a nei lem chu a ruolhai hin an inhnar tawp seng a ni awm. Diplomat naupang danghai inhnar ding ngawt thuumhnaw a nei hlak an tih. Pawl ieng chen am an chuk ti hriet ani naw a, Western culture in a nun a hip naw hrim hrim.

Portuguese Ambassador naupa, Joao Micaelo leh hin an inruoltha a, ama hi a apartment-a chen lut thei an inlawpuitu a nih. Joao hrii dan chun, Un Pak (a hmung tehlem) hin zo a dawn ngai naw a, nuhmei tieng khawm an hnik nawh a ti hi. Kei a lut ngun tak kana, Common Room bak ka lut ngai nawh. Sony TV, Play Station le thiltha kan nei phaklo ding po hi a nei kim vawng a ti hi. Stereo player a hin North Korea National Anthem a ngai a ngai hlaka, a umzie ka hriet der naw a chu kei le khawm wavi 1000 vel chu ka ngai a tih! Zantieng a common room a kan pahni in kan inthunga. Joao, North Korea Ambassador hi ka pa an le ti pumin, a thalak a hung kei dawka. Hi hi ka pa ani hi, ka pa hi North Korea rama President an sawn naw? a mi ti a. A zinga chun, North Korea ram tieng a fe ding mi hrii lo in a mi fesan ta dai el a tih! North Korea a tlung hin a pa, Kim Jong-il hin ama aiaw dingin kum 2010 khan an duong tana. A pu hrietzina University an siem, 'Kim il Sung Military University', Pyongyang ah military training a zo a. A Pu hi North Korea haiin ngaisang le inza ani leinin a hmel hin angna tak a nei hrima. A ang nawk zuolna dingin a hmai hi plastic surgery a siem a nih ti thu a um baw. A pa Kum 2011 a a thi hnung in a ai a hung aw ta a. Mi tamtak chun a la naupang leiin, North Korea a sipai hotu lienhai a thuhne thei lo dingin a ringa. Amiruokchu, North Korea People's Army Supreme Commander nina chanvo a chel le inruolin, mi zainem nilo in mi rorum le khaun tak ani zie khawvel hrietah a thedar ngal a. Switzerland a a school hotuhai le a class mate haiin, Un Pak, kha Kim Jong- Un chie hi a nih ti a khaw hnungin hriet thar phuhlut an thaw chau a nih! An lal hnung hin Ri Sol-ju leh an innee a hriet ania. A nuhmei chanchin tlanguip hi hriet ding a tlawm hle. America Basket ball thiem, Dennis Rodman chun, kum 2013 le 2014 hin Kim Jong-Un a hang inhmupui a. Ama hin nau nuhmei pakhat an nei tah tiin a hrii.

Adviser taka a nei, a pate ding Jang Song-thaek le a sungai chu ama peithla tum intumin, kum 2013 khan a khaihlum a! Chun, a pa nau pasal, Kim Jong-nam, (Nu hran) chu February 1917 khan Kuala Lumpur Airport, Malaysia a turin vai hlum a ni nawk. Thuneina a hung chel le inruolin, Nuclear ralthuom siem belsa a uor nasa hle a. Kum 2012 a inthawkin nuclear ralthuom ensinna chu a kum tin a hung sunzawma. UN thusuok a pawm nuom naw baw. Rambung danghai theida a hlaw nasa. South Korea le Japan ram lem chu a missile hai hmang hin awlsamta kin a kap thei ding a nih. America kap phak dinga Km 3000 a hla tlung thei ding sienna ngawrtakin a thaw zinga. America, Japan le South Korea in Military Exercise an thaw hi a theida a. North Korea ram hi tukhawma run ngam naw nihai. Ka sipaihai hin an phutaw muolphona tuok dingin an lo sawisak ding a nih. An ngam chen chen kan ngam hle ti thu hrii an hrosa zing a ni hi. Mi phut khat tak ani hmel a, hieng an hrosa thur thur hi a laibung China hin thu an hmu ruk zau am ani aw ti khawm chu politics laimu inril ani awm si a. Indopui III in tungtir pal thut a tih ti veng thawng um takin a khawsa ani hi! A tawp.

Note: Kim Jong-Un chanchin hi magazine, Journals le a Biography hmu thei haia inthawka lakkhawm a nih.

Employment News

1. High Court of Manipur, Imphal hnuoia Stenographer Grade-I/PS Post 10, [UR-5, ST-3 le OBC(M) 2] a ruok.

Stenographyer Grade-I pay scale Rs. 1,2000-4000+GP 5900 PM le Stenographer Grade-II pay scale chu Rs. 8000-35000+GP 4300PM a nih.

Application form May 23, 2017 chenin peklut thei ning a tih. Thu chieng lem hrie nuom han hi High Court website: http://www.hcmimphal.nic.in ah hriet thei ning a tih.

2. Manipur Police Department hnuoia police Constable (Male/Civil-2013) lakna dinga Viva Voce Assembly election hung um ding leia sukchawla um chu May 10, 2017 zing dar 8 a inthawk Manipur Police Training College (MPTC), Pangei-ah sunzawmtan nawk ning a tih tiin Dr S. Ibocha Singh, IGP (Adm) chun inhrietirina a siem. Districtwise dungzia Interview dan ding chu a hnuoia ang hi a nih.

Table with 3 columns: DATE, DISTRICT, CHEST NO. 10-5-2017 Ukhul 171-340 11-5-2017 Tamenglong 2-216 12-5-2017 Tamenglong 217-429 13-5-2017 Tamenglong 430-596 14-5-2017 Senapati 1-222 15-5-2017 Senapati 223-456 16-5-2017 Senapati 453-706 17-5-2017 Senapati 707-904 18-5-2017 Jiribam 1-113 19-5-2017 Sports Category-a candidate-hai 20-5-2017 District po po a candidate Viva-voce a la thang lo hai.

Viva-Voce huna written test huna Admit Card, Employment Exchange Card, Age le Educational Qualification proff-na dingin Original Certificates, SC/ST/OBC le Sports Certificate hai chawng ding a nih.

3. JAIL DEPARTMENT, GOVT. OF MANIPUR hnuoia post tum 125 a ruok. Assistant Jailer post 7, Warden post 87, LDC post 9, Stenographer 1, Peon 2, Pharmacist 1, Nurse 1, Driver 1, Tailor 1, Chowkidar 1, Mason 3, Barber 2, Water Pump Operator 1 le Cook 7 a nih.

Inhnikna nei han chu chienglem District Employment Exchange haiah hriet thei le June 10, 2017 chenin district Employment Exchange haiah Application form peklut thei ning a tih.

Thu chieng lem Addl. Director General of Police (Prisons), Manipur (Telephone No. 0385-2450967) le Supdt. Manipur Central Jail, Imphal. Tel. No. 0385-2450015 haiah indawn thei ni bawk a ti hi.

Concerned District Employment Exchange han Directorate of Prisons, Manipur a Application an peklut theina hun tawpna tak June 25, 2017 a nih.

Jail Department in Notification 7/64/2015-IG(J) dated 3/12/2016 a an suo huna application lo pelut ta hai chun Application hi peklut thar tul tanaw nih.

4. SASHASTRA SEEMA BAL (SSB) hnuoia Sports Quota disciplines tum tum haia dingin constable (General Duty) post 355 a ruok.

Sports Disciplines tum tum post ruok hai chu- Football, Athletics, Volleyball, Basketball, Handball, Kabaddi, Aquatics, Cross-Country, Judo, Hockey, Fencing, Water Sports, Wrestling, Boxing, Weight-lifting, Gymnastics, Wushu, Taekwondo, Archery, Sepaktakraw, Shooting (Sports), Equestrian le Cycling hai a nih.

Kum: 18-23 inkar, Age relaxation UR-5yrs; SC/ST 10 years; OBC 8 years a nih. Thiem,na Matriculate/Class X passed or equivalent.

Inhnikna nei han May 6, 2017 Advertisement insuo a nia inthawk ni 30 sungin Application peklut thei ning a ta, hmun kilkhawra cheng hai ta dingin Advertisement insuo inthawk ni 45 sungin application peklut thei ning a ti hi. Thu chieng lem http://www.ssb.nic.in ah hmu thei ning a tih.

Meghalaya-ah Tekin mi 2 a denghlum

TURA: Meghalaya- a hung dengfuk leia thi North Garo Hills a chun zani hmasa zingkar khan Tekin mi pahni a deng hlu. Tekin a denghlum dang pakhat chu pasal nau-pakhat Anamika G. Momin (41) of Mendal, North Garo Hills chu an Inchung Tekin a ni a, insungu almirah le thil dang dang a kang baw a nih. Tekin a denghlum dang pakhat chu pasal nau-pakhat kum 5/6 mi a ni a, an In tuola a um laia Tekin a denghlum a nih. (AT)

Indo-Pak. indo huna mi Grenades 127 dapdawk

AGARTALA: Tripura a Gournagar hmuna chun kum 1971 laia Bangladesh Liberation War hun laia Indian Army han an phum ni dinga ring Grenades 127 zet chodawk a nih. Grenades hai hi khaw-sung mi pakhat Rakesh Sukla Baidya in Gaurnagar hmuna May 6, 2017 zana Central School bul laia hnuoia a chonaa a chodawk an nih.

Grenades chodawk a ni thu hi Police inhrietir ngal an ni a, chu hnungin bomb squad le forensic team han grenades chodawka umna hmun hi panin an enfel ngal. Tripura-a ram sunga hin Bangladeshhi 'Mukti Joddhas (freedom fighters) han Tripura hmuna training an nei zoin Pakistan si-

pa ha beinaa an thangan dingin camps 6 lai zet an lo nei a nih. Chun, Pakistan- a inthawk inlakhnan tuma Bangladesh in Pakistan a do huna khan Bangladesh mi 1,600,000 zet, kha hun laia Tripura state population neka tam an raltlan a nih. Kha huna khan Tripura population chu 1,500,000 an nih.

Bangladesh Liberation War a khan India chun Bangladesh hi thanguin Pakistan chu hneban a ni a, December 16, 1971 khan Dhaka hmuna Pakistan sipai 93,000 deuthaw an inpe (surrendered) a nih. Indo huna khan Indian Army hai khawmin camp an lo nei a nih. Tripura le Bangladesh hin ramri 856km. a sei an intawm a nih. (ANI)

Doctors 73 percent in an hnawl

MUMBAI: Prime Minister Narendra Modi in mirethei le pasie hai khawma damdawi inenkawlna kawnga harsatna nei lo le mantlawm lema an inenkawl theina dinga doctors han an damnaw en hai damdawi man tlawmlem generic drugs chau pre-

scribed (chaw) dinga thut-lukna a lo siem chu India rama doctors 73% han tha ti loin an hnawl niin survey report chun a hrii. Survey thaw huna doctors han hi thil an hnawl nasan tak chu damnaw hai hriselna a tawkpaw thei ding lei niin an hrii.

**LAKTAWI**

**MCI in NEIGRI-HMS PG course a derecognised**

**SHILLONG:** Medical Council of India (MCI) chun tulai hnei el khan Shillong-a North Eastern Indira Gandhi Regional Institute of Health and Medical Sciences (NEIGRI-HMS) a Post Graduation (PG) course inluch thei lo dingin a derecognised.

**Chennai-a In kang-ah mi 4 an thi**

**CHENNAI:** Tamil Nadu-a Vadapalani a chun zani hmasa khan In sawng 4-a insang-ah kangmei a suok a, naupang 2 than-gin sungkhata mi 4 hai chu thuk insamin an thi. Kangmei suok huna hin hieng sungkuo hai hi first floor-a an in hluo sunga in (sleep) an nih. Thina tuok hai chu- Meenakshi (60), a naunu Selvi (45) le a tuhai Sandhya (10) le Sanjay (3) hai an nih. (ENS)

**Sin pek ding tia mi hlemtu mi 9 man**

**MEERUT:** Prime Minister Skill Development Scheme hnuoia sin pek ding tia midang dang hlem tua intum mi 9 Police han zanikhan Abu lane-a Hotel pakhatath inthawk an man. Mana um hai lai hin nuhmei 4 an thngasa.

Hieng mi 9 hai hin sin nei lo thalai hai chu sin pek ding tiin Hotel-a hin interviews an neipui bakah an kuta inthawk sum nuoitel an lakpek nia hril a nih.

Mana um hai chu Dh-wani Jain, a pasal Sushil Jain, Suman Wadhwa, Deepa, Anuradha, Aman, Vishal, Sankalp le Ayush hai an nih. Ayush hi spokesperson -a an hmang a nih (PTI)

**Regional Air Connectivity hnuoia Airports 200**

**KOLKATA:** Sawrkar thlungpui chun India rama airports 200 hai chu UDAN (Ude Desh ka Aam Naagrak) regional air connectivity scheme hnuoia sie a tum tiin Union Minister of State for Aviation Jayanta Sinha chun zanikhan a hril.

UDAN scheme hnuoia regional connectivity airports sukpong peina ding hin bidding thaw pei a la ni ding a nih. (PTI)

**A pasalin a kap hlum**

**MUZAFFARNAGAR:** Uttar Pradesh-a Shamli district-a chun zani hmasa khan pasal pakhatath a nuhmei kum 22 a kaphlum niin zanita Police thusuok chun a hril.

Ei thu dawngnain a hril danin a pasal hin a nu le pahai (a nuhmei ta dingin a tarpuhai) Ina fe dingin a fiel a, sienkkhawm a nuhmei hai a nuom peknaw leia a kap hlum el niin SHO Vijay Kumar chun a hril.

Hieng nupa hai hi kum 2 vel chau lan nei an nih. Hi thil thung le inzawm hin Police chun case an registered. (PTI)

**AAP MLA in Delhi Spl. Assembly-ah EVM sukdanglam thei a ni dan an entir; Election Commission in AAP demonstration a hnawl**

**NEW DELHI:** AAP MLA Saurabh Bhardwaj chun zanikhan Delhi Special Assembly hunah Electronic Voting Machine (EVMs) sukdanglam or tawkdanglam thei a ni dan inentirna a nei (demonstrated). Mr Saurabh Bhardwaj chun, ama ang engineering graduates hai ta ding chun EVM harsa lo taka tawkdanglam thei a ni dan an entir a nih. AAP Conventor Arvind Kejriwal chun tulai hnaia Punjab hmuna AAP an hrat nawna san chu EVM tawkdanglam lei niin an tum a nih.



**Saurabh Bhardwaj shows LIVE demo of EVM tampering**

	Actual votes	EVM Result
<b>AAP</b>	<b>10</b>	<b>2</b>
<b>BSP</b>	<b>2</b>	<b>2</b>
<b>BJP</b>	<b>3</b>	<b>11</b>
<b>Cong</b>	<b>2</b>	<b>2</b>
<b>SP</b>	<b>2</b>	<b>2</b>

Hieng laizing hin Election Commission chun EVMs hai chu temper-proof a ni thu, tawkdanglam thei a ninaw thu hril-in EVM tawkdanglam thei a nih tia sawiseltu hai a cholet a nih. Mr Bhardwaj hi Computer science-a B.Tech degree nei niin microprocessors le micro-controllers a sin lo thaw a ni a, EVM tawkdanglam thei a nizie an entir huna hin mock poll thawin, party tum tum votes 2 seng pein, sienkhawm final count thaw huna party thenkhat votes chu party pakhatath an sawn thei dan an entir. Hi thil hi constituency tina EVM enkawltu digna ruot han secret code hmanga an thaw thei a ni thu Mr Bhardwaj chun a hril. Vote thlak hmain electin officials han felfai takin thil an thaw a, sienkhawm 10AM hnunga secret code an activate a, chu hnunga

vote tla hai chu candidate pakhat a ding chawin a fe ta hlak a nih tiin a hril. Hieng laizing hin AAP in zanita EVM sukdanglam thei a ni dan inentirna an nei chu Election Commission in a hnawl a, demonstration thawnaa hmang kha Election Commission of India in Delhi Assembly Election huna Electronic Voting Machine (EVM) a hmang ang ni loin prototype EVM (siem hmasa annawleh ama ang puia siem) mei mei a nih tiin demonstration thaw a um chu a hnawl. Election Commission security zone hnuoia um ni lo EVM hai chu Election Commission property an ninaw a, hieng-gang machine haia hin EC in mawphurna a nei nawn tiin Election Commission chun a hril baw.

Chun, AAP a inthawka hnawtdawk Delhi minister hluu Kapil Mishra khawmin zanita AAP in EVM demonstration an thaw chu party leader Arvind Kejriwal le Satyendra Jain hai chunga corruption intumna le inzawm amipui lungril keipengna AAP in an thaw mei mei a nih. EC chun EVM tawkdanglam thei nia an intumna thaw AAP chu an intumna sukchieng dingin a ko ta a, sienkhawm hieng-gang drama hi an hung thaw a ni a, iengkhawm an nawn diversionary tactic mei mei a nih tiin a sawisel ve.

Election Commission chun EVM chunghua sawisela ne intumna um thua hin May 12, 2017 khin All party meeting a ko bakah hi huna hin intumna siemtu han an intumna an dik le diknaw sukchiengna hun hmang dingin "open challenge" hun hawnw a tum bawk a nih. (OD/DNA)

**NEET scam-a man mi 5 hai laia 2 MBBS student**

**PATNA:** May 7, 2017 nia National Eligibility cum Entrance Test (NEET) neia um questionpaper suk leak tuma intumna le inzawmin Police chun mi 5 an man a, mana um hai laia 2 hai chu MBBS inluchklai an nih tiin Police thusuok chun a hril. Police thusuokin a hril danin mi 5 man hai laia Shiv Kumar chu Patna Medical College and Hospital (PMCH) a second year inluchklai le Shivam Mandal chu Patna SSP Manu Maharaaj a MBBS inluchklai niin a hril. Mana um dang hai chu Christ Church School Centre a Superintendent Avinash



Chandra Dubey, law inluchklai Avinash Roshan le Van driver Sanjay Yadav hai an nih. Hieng mi 5 hai hin Christ Church School Centre-a ding question paper Canara Bank Branch a inthawka phurdawktu Van sungah an chuongin, question paper umna box tha taka charhnan chu hawnw mobile phone hmangin thla lak an tum a, an thil thaw tum hi hriet a ni leia Police han bawzuia hieng mi 5 hai hi an man a ni a, Special Investigation Team (SIT) chun hi thil hi uluk takin an suizui mek. Preliminary investigation dungzuiin question suk leaked tumtu hai hin NEET candidates pakhatath Rs. 20 lakh pei an demand nia hril a nih. (ENS)

**PM in Guwahati a inthawk NDA kum 3 tlingna thucha**

**NEW DELHI/GUWAHATI:** Prime Minister Narendra Modi chun May 26, 2017 khin BJP BJP kum 3 tlingna le inzawmin Guwahati hmuna inthawk India mipui hai hmaah thucha hril a tih. Hi ni ma hin Assam-a BJP inrawinaa Assam sawrkar kum 1 tlingna anniversary hmang a ni bawk ding a nih.

hin North East a ngaisak a nih ti ching takin a suk-lang a nih tiin Assam state BJP Unit President Ranjeet Kumar Dass chun a hril. PM hin Dhola Sadiya leilak a hawnw ding bakah Institutes pahni bawlnding lungphumna a nei bawk ding a nih. Assam-a Sarbananda Sonowal inrawi Assam sawrkar chu May 24, 2017 hin kum khat a tling ta ding a nih. (AIR)

PM in Guwahati-a inthawk India mipui hai kuoma thucha hril a tumna

**J&K ah helpawl zawm thar an pung leiin sum thuah harsatna**

**NEW DELHI:** Tulai hnaia Jammu and Kashmir-a helpawl zawm thar Kashmir thalai an pung leiin Kashmir phairuoma helpawl hai chun sum le pai le ralthuom tiengpan-gah indainawna le harsatna an tuok a, hi lei hin tulai hnaia Bank rawkna a hlur niin ei thu dawngna chun a hril.


lakhmang a ni a, December 8, 2016- May 1, 2017 inkar sung khan Bank rawk tumna wavi 9 a tlung a, Bank rawk tum hai laia 7 hai chu Budgam, Anantnag le Kulgam haia J&K Bank branches hai an ni a, Bank rawk tum dang hai chu Pulwama hmuna Ellaqi Dehat Bank le Shopian a SBI Bank branch hai an nih.

Inspector General of Police (Kashmir Range) SJM Gillani chun, Bank rawk le rawk tumna haia hin Lashkar-e-Taiba le Hizbul Mujahideen hai an inrawl ngei ti investigation thawnaa inthawk hriet theiin a um tiin a hril. Nikuma Hizbul terrorist commander Burhan Wani kap hlum a ni hnung khan Kashmir phairuoma thalai 95 velin helpawl an zawm niin a hril a, tuhin Kashmir phairuomah terrorist 200 vel an inbruk mek a, hi laia 110 hai chu a tuolsung mi an nih tiin a hril. (TOI)

November 21, 2016 a inthawk May 3, 2017 inkar sunga J&K Bank, SBI, Axis Bank le Ellaqui Dehat Bank hai rawknaa inthawk Rs. 90.87 lakh

**US Army combat fighter Scientist dingin Jaipur tlangval**

**JAIPUR:** Rajasthan-a Jaipur tlangval Monark Sharma chu US Army-a AH-64E combat fighter helicopter unit a Scientist dinga ruot a nih. A headquarter chu Fort Hood, Texas ning a ta, kum khata sum a hlawsuok ding hi Rs. 1.20 crore zet a tling phak. Hi taka a sinthaw ding tak chu designing, inspection, manufacturing le tukuma US Army-a laklatur thar fighter helicopters maintenance tiengppang hai ning a tih.



May, 2016 khan US Army a zawm a, thla tlawme hnungin designing le research tiengppang a thaw that leiin kum 2016 ma khaan chawimawina pahni-Army Service Medal le Safety Excellence Award hai a dawng a nih. Mr Sharma pa hi Rajasthan sawrkar hnuoia thawktu pakhat ve niin

**SC in Vijay Mallya July 10-ah Court-a inlang dingin**

**NEW DELHI:** Supreme Court chun Liqueur baron Vijay Mallya chu court thu inza lo le zawm loa intumin July 10, 2017 in Court hmaa inlang dingin zanikhan a ko. Mr Vijay Mallya hin court thupek bawsiein a property le US dollar 40 million chun a nauhai hmangin a sie tiin Supreme Court chun an tum a nih.



Vijay Mallya hi defunct a lo um tah Kingfisher Airlines neitu a ni a, Bank hran hran haiah Rs. 9,200

**Islam Hrilsiet a intum Kristien Governor man**

**JAKARTA:** Khawwela Muslim tamnatak, Indonesia khawpui Jakarta-a Kristien Governor Basuki Tjahaja Purnama chu Islam sakhuo a sawisêl tia intum leiin Thawlenni khan kum hni sung Jail intang dinga a chungthu rel a nih a. Indonesia rama sakhuo thila inthlierhrangna pung mek laka sawrkar hmingsietna a belse ding a nih tiin Reuters chun a hril.



Mr Purnama hi Chinese minority Kristien Jakarta Governor nih tah, President ruot tha tak a nih bawk a. A mipuihai chun "Ahok" tiin an ko hlak. Ni kuma political campaign a nei lain Islam sakhuo hrilsiein Muslimhai bible Koran a hrilsiet tia intumin Islamic Defenders Front in an hek a. Court-in an ram dan angin kum hni Jail intang dingin a chungthu a rel tah a nih. Governor Purnama tantu tam takin court toulah an ngâk zing lain Jakarta Court Judge lutak Dwiarto Budi Santiarto chun, "Purnama chun sakhuo hrilsietna tawngkam mang lova Jail an thun thei chun, midanghai lem chu iem an chang ding?" tiin sakhuona thila mi tamtakin hlemna an tuok theina ding le inthlierhrangna a hrat zie ding thu a hril. Governor Purnama hi rorêlta thu puong a ni zoin East Jakarta tieng thuoai a nih a. A ukil Tommy Sihatang chun, a appeal ding khawm nisienla, thu a fel hma chu hitaka hin um a tih tiin a hril. Mi tamtak, abikin minority Kristienhai an tap nasa em em a. Thenkhatin Jail tuol le lamliena hai zalin traffic an sukbuoi pha a. Islamic Defenders Front chu sukse der dingin an inhrosa bawk. Inthlasuok a ni hmakhat an nuor tawpsan lova an

umna ngaia um zing an tum a. Mipui, abikin Muslim sakhuo thuoituhai nawn leia thiemnaw inchangtir a nih tiin an lung a awi naw hle. Buoina lien lem a suok inlaun police sang tel Jakarta khawpui ah sie an nih. Muslim hardliners hai chun Koran hrilsetu chunga chun a nat thei ang tak hremna pek dingin an ngên a. Prosecutor hai chun a case zirin kum khat Jail intang an tih a, Judge in kum 2 a pek tah a nih. Home minister Tjahjo Kumlo chun Purnama Dy-in Governor sin a lo chel phawt ding thu a puong. Ni kum khan, Purnama hin a politics khingpuihai chun, Muslim hai chu Muslim lovin an thuoituhai an nawn tia mipui thuhneina dingin indiklo takin Koran thuziekhai an hmang nia a hril leiin Koran a hrilsiet tiin an intum a nih. A tawngbau naw ang le, indiklo taka video clip siemfawm chu social media an thedar a, Islam sakhuo hrilsetu angin an lang tah a nih. Purnama chun, a tawngbau angin an intawngtir nia

hrilin thaw suol a nei naw thu a hril a. A thaw suol tak, Jakarta mipui thenkhat kuoma a thuhiril thua ruok chun ngaidam an hni tah niin a hril. April thla khaan a khingpui Muslim candidate Anies Baswedan a hne tah nawn a; inthlangna sakhuo thil le hmet kawp a hung ni tah leiin. October thla khin Baswedan kutah thuneina an hlan ding a nih. Purnama appeal hi a hlawsam chun, sawrkar office/post chel thei ta nawnw a ta, kum nga chen Jail a lan tang thei bawk a nih. Thil suituhai chun tulai hin Indonesia rama Muslim helpawl an hrat em em a. Muslim lalram "Islamic caliphate" indin tuma thang la pawl an um a. Sawrkar chun tukhawm buoina siem lova ram dan inza dingin an ngên a. Tulai Muslim lusa pawl Hizb ut-Tahrir (HTT) khawm dan ang a chunga action lak a ni ding thu a hril a. Indonesia ram hai Muslim moderate hai tamna a nih a. Minority Kristien, Hindu, le Buddha hai le um tlang an nih.

**SBI-RSETI CHURACHANDPUR**  
**ADMISSION NOTICE**  
**FOR FREE TRAINING PROGRAMMES**  
SBI-RSETI, Bijang, (Near Partnership Mission Society), Churachandpur will be conducting a free short term training for Unemployed youth in the age group of 18 to 45 years who can read and write (preferably BPL category). Interested person (s) may contact the Institute on or before the dates given below.

Training Programme for the month of June-2017				
Sl. No	Name of programme	No. of day/Duration	No. of seat	Propose start date
1	Entrepreneurship Development Programme (EDP) for Micro Entrepreneurs	13	25	05/06/2017
2	Poultry	10	25	19/06/2017
3	Photography & Videography	30	25	29/06/2017

Sd/- Director  
SBI-RSETI,  
Churachandpur

**PIGROW Tablet**  
**VAWK INTHANGNA DAMDAWI**  
I vawk zawr hun tlingna dingin kum khat nek tam nghan ngai tanaw nih.  
**A THATNA:**  
\* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.  
\* PIGROW mum hin, i vawk chu i pek tana inthawk chawl der loin an thang tir thei.  
**A PEK DAN DING:**  
\* Vawk pakhatath nikhatah mum 20 (zingtieng mum 10 le zantieng mum 10) pek ding.  
\* Box khat ah mum 600 a um a, chu chu thlakhat sunga a fakzo ding a nih.  
\* Rawt phita pek in fak awlsam an ti lem.  
**INCHAWK THEINAHAI:**  
1. Hmingi Bethel, CCPur # 8414852391  
2. L.K. Screen Printing Lighthouse Lane, CCPur  
3. Pet Care Centre, Tiddim Rd. CCPur.  
Order tam dan dungzuiin HOME DELIVERY khawm kan thaw thei.

**LOSS OF ORIGINAL CERTIFICATE**  
I have lost my HSLC Original Certificate bearing Roll No. 12431 of 1997 issued by Board of Secondary Education, Manipur on my way between Reingai and Khawmawi, CCPur on April 27, 2017. Finders are requested to handover the same to the undersigned.  
Sd/- Remruotsang Inimate  
Contact No. 825786736

**LAWMTHU HRILNA**  
Hun iemanichena inthawk ta khan Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chawin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekravn thei a nih.  
Lawmthu hriltu,  
Sd/-Rebecca  
New Lamka

**Thailand Car bomb puokah 42 an hliem**  
**BANGKOK:** Thailand simtienga Muslim State hran ngentu Muslim helpawlhain ni dinga ringhla hai chun Thawlenni khan Buddhist tamna Pattanni khawpui supermarket pakhatath bomb hrattak an sukpuok a, mi 42 an hliem a thuoimhnaw taktak a suksiet teu bawk tiin police thusuok chun a hril. Hliemhai laia pahni chu an inrik hle a, an dam suok zo naw el thei. Independent Monitoring Group Deep South Watch hril dan chun, 2004 a inthawk khan Muslim helpawlhain Malay Muslim province laia Yala, Pattani le Narthiaw ah state hran an ngenna le inzawmin mi 6,500 an thi tah niin a hril. Big C Supermarket laia car bomb hin hmangruo a suksiet nasa hle a. Meichawk le meikhu nasatak a siem hliemna tuok an um thu hriet a ninaw a, Japan Meteorological Agency tsunami warning ansuo naw bawk. Miyako mi-hriem 55,000 vel umna a nih. (PTI)

### TUOLSUNG Mi thalem an ni theina dingin-sunzawmna

Ei state hma sawn peia ei siemtha theina ding chun kawng iengkhima hmasawna an ruol a tul a. Thiemna le varna bakah teireina le ringumnahai inchuktirin kil tina inthawkin thutlukna indikhai siem a ni theina dinga hma lak a pawimaw a nih tiin a hril bawk.

### PREPAK (PRO) cadre an man

CCPUR: Churachandpur Sector Assam Rifles chun Veng Battalion le Bishnupur Police Commando hai le t hangruola May 3, 2017 nia Phubala Bazar area, Moirang, Bishnupur district-ah dappui an thawnah PRE-PAK (PRO) cadre Kangabam Nanao Meitei @ Khel-embba (22), s/o K Sarat Meitei, of village Khuga Tampak Meitei Leikai, District Churachandpur, Manipur an man a, a kuta inthawk 9mm Pistol 1, magazine 1 le a mu 2 an man sa a, Moirang Police Station-ah an peklut niin zanita PIB Defence Wing thusuok chun a hril.

### CDVDFWA President in a hrilife

CCPUR: S. Lalting Vaiphei, President, CCPur Dist. VDF Welfare Association (CDVDFWA) chun April, 2017 thla hlaw an hmu in takna thuah CDVDFWA t huoiu han hlaw kat ding an hril lei a ninaw thu zanikhan hrilfena siemin Treasury office-ah Computer tiengpang harsatna a um leia harsatna a ni thu, hi chungthuah Treasury Office-a khawm enfel a ni ta thu hrilin member hai lo hre thiem ding an ngen. CPIS MGEL SI number le Highway Protection Force bakah 13 month pay hawnawta ding le inzawma Rs. 500/- kat ding ti le inzawmin tuchena personnel 470 in hming an peklut ta thu a hril. VDF number le hming la pelut lo han May 11, 2017 chen SP Office-ah thuoiu hai uomah peklut le withdrawal form-a suoi kei seng dingin an hrietir bawk. Hun tawp hnunga chun harsatna an lo tuok khawmin iengkhawm hrilbuoi thei a um tanaw ding thu a hril bawk.

### Mission road lampui siem tan



CCPUR: Tiddim Road-Nehru Marg junction traffic point a inthawk IB Road lampui tung black topping thawna zo a ni hnungin zanita inthawk kham Mission road lampui siemthatna sin sunzawm nawk a nih. Mission road lampui blacktopping zo a ni huna khawpui sung lampui pawimaw dang dang, Nehru Marg lapui suk, Rengkai Road a inthawk Zenghang Lamka, Zoveng le a dang dang hai khawm siem sunzawm pei ninga tih.

### CM-in Army Jawan Thihai A Sun



IMPHAL: Chief Minister Mr N. Biren Singh chun, Thawleinni khan Thawtanni-a Tengenoupa-a Territorial Army jawan pahni kap hluma umhai sunin inzana a pek. Inzana le sunna hi Indian Armed Forces an dan ang taka inzana an pek hlaw kingin, 165th Territorial Army Company hmun Koirengei airfield, Imphal ah inzana pein a sun. Tuothathubai thiemnaw inchangtirin, Chief Minister chun, hieung Indian Army hai chun ei ram le hnam ta ding an hringna hlu tak an inhlân a nih tiin a hril.

### US President hlui Clinton-in lekhabu siem tum



WASHINGTON: Mi ropui le milien tamtakin an thaw hlaka an hausakpui awk hlak, an chanchin lekhabua siem chu US President hlui Mr Bill Clinton khawmin lekhabu ziektu author hmingthang James Peterson ruoin siem ve a tum. Best-selling suspense writer (author) James Peterson-in Bill Clinton a chanchina inthawka novel a siem ding hi "The President is Missing" ti ning a ta, June 2018 khin publish dinga riruong a nih, tiin publisher hai chun an hril. A suttu ding Knopf Doubleday Publishing Group and Hachette Book Group chun, "Hi lekhabu hi ngai nuom um tak, thilmak le hriet chak um, khawvêl pumpui huopa political drama le a phena thu inthupruk, behind the scene thilhai a ni ding a nih" tiin an thusuok chun a hril.

## "The Fast And The Furious", Generation Award Inhlân

LOS ANGELES: Dan pangngai bakah thil thar pathum lai belsaa nuhmei pasal a hrana le hrang um tah lova Movie le TV thaw tha bikhai chawimawina lawmman inhlanna MTV Movie & TV Award 2017 ah, tulai thang thar motor intlansiekna nuomzawng le inhawi tazawng film, movie inlâr le sum hui lut rawnhai laia mi, Vin Diesel changna le ama produce "The Fast And The Furious" chu "Generation Award" inhlân a nih.



Chawimawina lawmman a team hai ai awa a hang lak hin a ruolhai khawm a fiel a. Jordana Brewster, Michelle Rodriguez le Tyrese Gibson hai khawm a ko kaia. Vin Diesel chun hieng ang award a dawng hmasatak, 2002-a a ruolpa famtah Paul Walker leh "Best Duo" an lak lai a hriet suok thu a hril a. Paul Walker kuomah inzana tribute a pek a. Ama um naw sien chu hieng ang award dawng thei dingin hieng chen chen hi a lung a ring naw thu hrilin, "Ka unaua Pablo (Paul Walker) ka hmangai zie suklang lo theilo a nih" tiin a hril.

a phur nawh" tiin a hril bawk. "The Fast And The Furious" series a nuhnungtak "The Fate of The Furious" khawm a hlâwtling em em a. Amiruokchu, producer le changtu tak Vin Diesel le a changtu tho Dwayne Johnson (The Rock) hai kârah inhrietthiem nâwna um anga thu nuongva lein an sum hmu ding ang tak an hmu naw pha nia hrilna a um a. Hi thu hi Vin Diesel chun a comment nuom nawh. Tu tum MTV Movie & TV Award ah, Vin Diesel le Paul Walker-in an lo lak tah "Best Duo" (Mi pahni chang kawp infuktak) ah chun X-Men film series-a a thar tak "Logan" a changtu Hugh Jackman le nuhmeite Dafne Keen hai inhlân an nih. Ni dang chu MTV Movie Award ti a nih a. Tu kum chu TV show inthangtirin Golden Popcorn inhlân an nih.

## Prince Philip Kamsep Ngai Nuomum thenkhat

LONDON: Kum 95 zet a nih tah lein Britain lal a nina anga Royal engagement hai a fe vawng sêng ta naw ding leia lo chawl tah, Duke of Edinburgh, Queen Elizabeth pasal Prince Philip chun lung sen phut chang nei hlak sienkhawm, chu tieng nek hmanin thil nuizat um tak tak hei hril zau a chingna le a kamsep suolnahai lein hriet le lâwm a hlâw lem a nih.



A chanchin ziektuhai Phil Dampier le Ashley Roberts chun "Prince Philip: Wise Words And Golden Gaffes" (an embarrassing blunder) an tia chu, a thaw suol ni lovin, a thaw le hril rêng hlak nuizat um tak an nih lem. A tawngbau le chetzie tamtak laia tlâwmte ei tarlang tahai bakah tlâwmte la hei tarlang sa nâwk ei tih. A lekhabu sa tak el hlak chu ei hmu phâk vat hmêl si nawh a. Prince Philip ngainatum tak miezie ei hriet bel theima a ni tak duoin. Lungril hlim hi damdawi thatak a nih. Kum 2006 khan, Canada an inzin tumin airport thawktu pakhatin, "Royal Highness, in vuongna chu iengtinam a um a?" tiin a lo indawm a. Philip chun, "Vuongna i vuong tah hlak am?" ti'n an dawn a. Official chun, "Aw, Sir, vawi tamtak ka vuong tah" a ta. Philip chun, "Khang ang char kha a nih" a ti pek daih.

rapthlaktak a hung um khan, "Mi po povin hunawl tam lem ei nei ding a nih an tih a. Tu hlak hin sin thaw ding an nei naw lein an chier nawka" a lo tih. 1974, mi pakhatin Princess Anne kidnap a tuma, a hlâwsam a. "Hei kidnap vei vei sien aw, a du a hmu naw ding!" tiin Princess Anne hrohrang nratzie le tuorhla umzie hrilnain a hmang daih. India rama an hung inzin lai photographer pakhata, an thla latupa thingkunga inthawkin a tla a, "A ring tet tliek sienla tha ding" a lo ti hman. Molawm ah an fe a, Car-a monu an thui lai vel hai a en zing a. "Pasalin a nuhmei lûtna ding Car kawtkhar a hawngpek tah chun, Car thar annawleh nuhmei thar a nih hlak" a lo ti tah rek chu. A hnaitak, February 2017 khan Chaterhouse-a pensioner hai umna an va sir a. Pensioner pakhata chêr deu hi a hmu a, "I phing a tam hmêl ngei" ti rek tah naw nim.

## Jemma Lucy-in Nene Suklien Operation Thaw

LOS ANGELES: "Ex On The Beach" star Jemma Lucy (30) chu nal a lan ti tawk naw deuh ning a tih. A nene sukliena dawm sanga, sukmar met dingin operation a thaw ding thu a hril a. Hi thil hi Pathienni khan Turkey tuifinriet kamah an sukdeia, a taksaa tattoo limhai a suklang malama a hril a nih. Glamour model hi zakuohnuoi (bikini) var, panty le bra inkawp vawng var a hak a. Thup ding char, a pawngte le nene hmur a thup a, a dang po chu hril ngai loma hmu tlang vawng thei a nih. Tuipui kamah sam dum thlap lu hnapiin, a hner ineu sieuin sen hlat hlatin a malpuia laia ziek tiel le a awma Keite lu lim hai lei a pholang a. A mar tawnawna, a nene khawm a lien hlea chu a pawng nal tawkin a hriet naw a nih. Jemme hin a phing lai le a mawng bawr lai khawm siemthat a tum a. Hi thu hi mi pali kuomah chauh a hril a. Turkey an zin ding khawm midang tukhawm a hril si naw laia media han an lo hriet lein a hril, a ruol mi pali laia pakhata tak chu ringumlo an um niin a hril a. A lungawi naw hle.




Ruol ringumlo an um tina a nih. Ni khatah Dollar 5 chauh dam an hlaw leia an hringnun boring leia an thaw khawm a ni el thei" tiin a lungawi naw thu a hril a. "Anachu, ka hlim tho. Asan chu nene tha deuh ka nei tah ding an lein" tiin a hlim em em. Jemma Lucy hin operation a thaw chun kar thum vel chu nuom angin a chang vel thei naw ding a nih. A chang chu taksaa a dam intak chun thla hni-thum dam a lak hlak.

## BCCI in Champions Trophy squad a puong

BCCI chun England-a ICC Champions Trophy 2017 a member 15 uma Indian Squad ding hai a puong-lang tah. India tem hi Virat Kohli in an rawi ding a ni a, squad-a hin Rohit Sharma chu thang thei dinga ngai a ni lein team squad-a hin a thang a, KL Rahul ruok chu a hliem lein a thang-naw ding a nih. India squad members dang hai chu Shikhar Dhawan, Mohammed Shami, Manish Pandey, MS Dhoni, Ajinkya Rahane, Yuvraj Singh, Kedar Jadhav, Hardik Pandya, R. Ashwin, Ravindra Jadeja, Umesh Yadav, Bhuvneshwar Kumar le Japrit Bumrah hai an nih.

## Kum 40 Lady Victoria Harvey La Nal Hle



LOS ANGELES: rangkachak rawng a bunin a hâka. A sam rangkachak rawng, eng thal leh khawm an hme tawk char a nih. Tuipui kawng chenah an chie dei a, a hung suok nawka phaiphin lai a hei lawv vel chu a lan thazo em em a. Mit a lak naw thei nawh. Chawl hmanga fe a ni lai zingin a sawl hle bawk. Tuia insukdei chauh nih lovin, motor boat khal inchuk khawm a thaw a, inhawi a ti hle. A pieng zie a nal el chauh ni lovin, infiem tieng khawm a thiem a. Motorboat khawm nuhmei tamtak naw angin a khal thiem ngâl a nih. Ruol khawm pawl zau tak Victoria chun, "London-a nuhmeihai chu an conservative taluo a. Sexy deuh zakuo khawm an hak tha ngam ngai nawh. Kei chu France simtienga pieng le seilien ka ni a. London mihai nek chun international approach tlawmin ka nei tha lem" tiin a hril.

## 14th Hmar Martyrs' Trophy: Sielmat Youth Club le FAST-A Semi Final an kai

Hmar Martyrs' Trophy a wavi 14-na fe mekah zani khan Champion lai mek Sielmat Youth Club le tukuma thang thar Athletic Brothers' Club an inkel a. Sielmat chun 4-1 tawpin hnena an chang a Semi Final an inpetkai. Sielmat YC ta dinga goal thuntu-hai chu Cornelius(7'), Thangtinlen(9'&81') le Momocha(43') hai an nih. Inkel pahniaah FAST-A, Rengkai le Teksiepu Fc an inkel a. FAST-A chun 2-0 in an hne. FAST-A ta dinga goal thuntu-hai chu Henry Gange(13') le Michael Zote(54') hai an nih. Teksiepu FC ta dingin minute 75 naah Paulal chun goal pakhata a thun bawk. FAST-A hi Final wavihni an kai ta a, Cup ruok chu an la lak nawh. Tukum hin Cup lak ngei tumin thang an lak ngei ring a um.



Kashmir Football team ramdangah SRINAGAR: Second Division I-League football team Real Kashmir FC chun tukum July thla hin third-tier Scottish league club Stenhousemuir a khel ding an fe ding a nih. Real Kashmir FC team hi Kashmir valley a inthawka a team ramdanga football inkhela fe hmasa tak an ni ding a nih. Real FC Kashmir Official hai chun, July 8, 2017 nia Larbert hmuna an stadium-a pre-season friendly match khel dingin Stenhousemuir FC a inthawka fielna an hmu niin a hril a, hi thua hin players hai khawm an phur hle thu an hril. (PTI)

## Nicola Adams le Maryan Salazar an inhnek ding



Double Champion Nicola Adam le Mexico mi Maryan Salazar hai chu Irinni zan khin First Direct Arena, Leeds hmuna inhnek an tih. Tuta tum hi Nicola Adams (34) in professional fights a khel wavihniina ding a ni a, a home city-a kum 20 liemta sanga a wavihkat inhnekna ding a nih. An hnekpui ding Salazar (18) hi professional fights wavi goal pakhata a thun bawk. FAST-A hi Final wavihni an kai ta a, Cup ruok chu an la lak nawh. Tukum hin Cup lak ngei tumin thang an lak ngei ring a um.

HMAR MARTYRS TROPHY 2017			
9 May 2017 : Results			
Sielmat YC	4-1	ABC Saidan	
Teksiepu FC	1-2	FAST (A)	
10 MAY 2017			
Quarter-final Fixture			
01:00 PM: HYA Imphal	v/s	UKB	
02:30 PM: Lenlai Club	v/s	FC Ridil	